

WHA KAPARI

AGNZ
NATIONAL
CONFERENCE 2026



ASSEMBLIES OF GOD
CHURCHES IN NEW ZEALAND INC

INOI ME TE NOHOPIKU
MANE 31 O ĀKUHATA - RĀTAPU 20 O HEPETEMA

MAORI
ARATOHU INOI

Kia Ora

E te whānau whakapono, tēnā koutou katoa. Kia tau ki runga i a koutou te aroha noa, te rangimārie, me te kaha o tō tātou Ariki.

Tēnei te mihi atu ki a koutou, mai i a mātou te roopu whakahaere matua, mō tō koutou ū ki tēnei kaupapa inoi mō ēnei rā 21.

Kua tata ki te toru tau ināianei mātou, te rōpū whakahaere hou, e whai ana i tēnei huarahi kia whakanuia ai tō tātou pānga, tō tātou whai wāhi hoki ki ngā hapori. Kia tango atu i ngā kupu a te Hui o Hiruharama:

Kua whakatau mātou me te Wairua Tapu, koinei te wā tika, ki te ‘whakapakari’ i te hunga whakapono, i ngā kaiārahi, me ngā hāhi ā-rohe.

E kī ana a Piripai 4:11b—13:

“Kua ako ahau kia makona i ngā āhuetanga katoa. E mōhio ana ahau ki te noho rawakore, ā, e mōhio ana hoki ahau ki te noho whai rawa. I roto i ngā mea katoa, i ngā wā katoa, kua ako ahau i te mea ngaro o te noho makona, ahakoa kua kī, kua hiakai rānei, ahakoa kua nui, kua iti rānei. Ka taea e ahau ngā mea katoa i runga i a te Karaiti e whakakaha nei i ahau.”

I āhei a Paora ki te tuhi i ēnei kupu me tāna kaha whakapono, ahakoa ōna ake wheako mamae, i mōhio ia ki te huarahi e whiwhi ai ia i te kaha o te Atua. Nā taua kaha i mau ai te rongo ahakoa ngā piki me ngā heke. Koinei hoki te taonga e hiahia ana te Atua ki te tuku ki a tātou katoa, kia noho ai tātou hei rama e whiti ana i te tūmanako mō te hunga e noho tata nei.

Engari, me mōhio mai, karekau he huarahi pokatata. Mena ka pā mai te rawakore, te ngoikore, me ngā taumahatanga o te wā, karekau he mea pai e toe ana kia tuku atu ki te ao. I ēnei wā me koropiko atu ki a ia, me whakapono atu ki te Atua. Me karanga atu ki a ia, “ka taea e ahau (ā e ako tonu ana ahau) ngā mea katoa i roto i a ia e whakakaha nei i ahau.”

Ma te Atua i roto i te nui o tōna aroha, tōna mamae roa, me tōna kaha e whakakii i a mātou ki te tumanako, me te hari i a tātou e ū ana ki te inoi, e whakapono ana, e manawanui ana, nā te mea, kei te Atua ngā mea katoa e taea ana.

Ngā manaakitanga ki a koutou i roto i ēnei rā e rua tekau mā tahi kua whakatapua mō te inoi. Kia waipuketia te puna o ou tūmanako katoa i roto i te Atua.

Āmine.

Terry Bradley

Kaiwhakahaere Matua, Te Huihuinga o te Atua o Aotearoa



WHAKAPAKARI

“Kāore rānei koe i mōhio? Kāore rānei koe i rongo?


Ko lhowā te Atua pūmau, te Kaihanga o ngā pito katoa o te whenua. E kore ia e ngenge, e kore hoki e māuiui; e kore tōna māramatanga e taea te rapu.

Ka hoatu e ia he kaha ki te hunga ngenge, ka whakapiki i te māia o te hunga ngoikore. Ahakoa ngā taitamariki ka ngenge, ka māuiui, ā, ka hinga ngā rangatahi kaha; engari ko te hunga e tūmanako ana ki a lhowā, ka whakahoungia ō rātou kaha. Ka rere whakarunga rātou i runga i ngā parirau, anō nei he kārearea; ka oma, kāore e ngenge; ka hīkoi, kāore e māuiui.”

īhaia 40:28–31

Ngā Kaupapa Inoi

- E te Wairua Tapu, e noho whakaiti ana mātou i mua i tou aroaro, ko koe rā te mana, te rangatiratanga i roto i ō mātou oranga. Ka whakatau i ō mātou ngākau, ka whakamārie ō mātou whakaaro, ārahi mai mātou i runga i tō mana motuhake i roto i ēnei rā o te inoi me te nohopuku.
- E te Ariki, kia paiheretia mai mātou ki roto i tō aroha noa, kia hōhonu ake tō mātou mōhio ki a koe i roto rawa i ō mātou wairua. E inoi ana mātou kia tatū mai anō koe ki waenganui i ō mātou hāhi, kia whakapakarihia ai mātou i a mātou e tatari tahi ana ki a koe.
- E te Matua i te Rangi, whakatuwheratia ō mātou ngākau kia rongo anō ai i tō reo. Murua o mātou hara mō ngā wā i wareware ai mātou i a koe, me te nui o tō atawhai mutunga kore. E noho ana mātou i runga i te ngākau rīpenetā, mo ta mātou whirinaki ki tō mātou ake kaha, a mātou ngoikoretanga, a mātou pōuruurutanga, a mātou māuiuitanga. Ka whakapuaki mātou:
- “Ko ʻIhu Karaiti anake te tūmanako o ngā Hāhi o te Huihuinga o te Atua o Aotearoa. Kāore he tūāpapa kē atu.”
- Pou whāinga ā-rohe/ā-motu/ki te ao
Whakapuakina ngā manaakitanga a te Atua ki runga i ngā māmā, ngā pāpā, me ngā whānau katoa o tō rohe, tō tāone, tō hapori hoki.
Kawea atu ki te aroaro o te Atua ngā Mema Pāremata katoa me te hunga e mahi ana i roto i te Pāremata o Aotearoa. Tukuna o inoi mo ngā māngai o tō rohe pōti, whakaingoatia rātou.
Tukuna o inoi manaakitanga mo ngā kōwhiringa pōti e tū mai nei, kia kōwhiria mai ai ngā tāne me ngā wāhine e ū ana ki te tika, te pono, me te ngākau tapatahi hei māngai mō Aotearoa.
Inoi mo Pāhita Freedom Aiga i a ia e whakakaha ana i ngā tāne o tō tātou Hāhi-ā-motu. Inoi kia whakaarahia e te Atua te kāhui tāne kia kaha ai rātou i roto i te wairua, kia tū hei kaiārahi pono i roto i ō rātou whānau, ō rātou hapori, ō rātou hāhi, me ngā wāhi mahi.
Inoi mō Julian rāua ko Monica Hawken (Haina, e noho ana ki Aotearoa), Robert rāua ko Margaret Hunt (Piripini, e noho ana ki Aotearoa), me P rāua ko J L (Tāki).



“Nō te taenga atu o Rawiri rāua ko āna tāngata ki Tikiraka, ka kite kua tahuna te pā ki te ahi, ā, kua whakaraua ā rātou wāhine, ā rātou tama, me ā rātou tamāhine. Nā reira ka tangi nui a Rawiri rāua ko āna tāngata, ā, mutu noa atu te kaha ki te tangi. Ko ngā wāhine tokorua a Rawiri, arā ko Ahinoama o letereere rāua ko Apikaira, te pouaru a Nāpara o Karamere, kua whakaraua hoki. Nui atu te pōuri o Rawiri, nā te mea e whakaaro ana ngā tāngata kia akina ia ki te kōhatu; i tino mamae hoki te ngākau o tēnā, o tēnā mō ā rātou tama, ā rātou tamāhine. Heoi anō, ka whakapakari a Rawiri i a ia anō i roto i a lhowā, i tōna Atua. Nā ka mea atu a Rawiri ki a Apiatara, te tohunga, tama a Ahimerereke, ‘Mauria mai te epora ki ahau.’ Ka mauria mai e ia, ā, ka ui a Rawiri ki a lhowā, ‘Me aru rānei ahau i tēnei ope kaipahua? Ka mau rānei ahau ki a rātou?’ Ka whakahoki mai te Ariki, ‘Whāia. Ka mau rawa atu koe ki a rātou, ā, ka whakahokia mai e koe ngā mea katoa kua riro.’”

1 Hamuera 30:3—8

Ngā Kaupapa Inoi

- E te Ariki, e ʻIhu Karaiti, ka whakamoemiti atu ki a koe mo tou paihere i matou ngā haahi ki roto i te Mīhana me te Whakaoranga Wairua.
- E whakawhētai ana mātou ki a koe mō te taonga o tō wikitoria i runga i te ripeka, ā, mō tō tuku i ahau ki roto i taku hāpori e tū ana i runga i te mana me te kaha o te Rongopai. E whakapuaki ana ahau ko taku kaha e ahu mai ana i te Rongopai o te matenga me te aranga mai o ʻIhu Karaiti. E whakapono ana ahau, ko te Rongopai o ʻIhu Karaiti koia ‘te kaha o te Atua hei whakaora i te hunga katoa e whakapono ana.’
- E whakapūmau ana mātou kua tapaina tō mātou Matua i te Rangi i ngā Hāhi o te Huihuinga o te Atua o Aotearoa hei iwi mōna. Kua karangatia mātou kia tūhono, kia mahi ngātahi, kia māia hoki ki te whai i ngā huarahi o te whakapono. A, ko mātou ngā pononga kua whakapakarihia, e tū kaha ana i roto i tōna mana, kua tukuna hei māngai ki ngā tāngata o ngā reo katoa, o ngā iwi katoa.
- E whakapuaki ana mātou, mā tā mātou kauhau i te Rongopai ka whakanuia ake te pānga me te whanaketanga o ngā Hāhi o te Huihuinga o te Atua o Aotearoa hei te tau 2033. Kia tau tā tātou Kaahui hei puna waiora mō tō tātou whenua me ngā Kaahui maha huri noa i te ao.
- Pou whāinga ā-rohe/ā-motu/ki te ao:
Inoi mo te hunga pakihi o tō tāone, o tō hāpori hoki, kia manaakitia, kia aratakina e te Atua.

Kawea atu ki te aroaro o te Atua ngā pāpāho o Aotearoa, ngā kaiwhakapāho me ngā kairiipoata, kia ū ki te pono me te tika. Inoi mō A rāua ko R M (Tāki), M rāua ko D M (Āhia/Tāki), me Kevin rāua ko Denise Reid (e noho ana ki Aotearoa), kia tiakina, kia whakakahangia, kia manaakitia hoki rātou i roto i ā rātou mahi mō te Rongopai.

“He teka ianei kua whakahaua koe e ahau? Kia kaha, kia māia. Kua e matakū, kua hoki e pawera, nō te mea kei a koe a Ihowā, tō Atua, i ngā wāhi katoa e haere ai koe.” Hōhua 1:9

Ngā Kaupapa Inoi

- E te Matua i te Rangi, ka whakawhetai atu mātou ki a koe mō tou whakapiki i te kaha me tou whakapiki i te māia kia taea e au te whakapuaki i tō kupu ora, tō kupu kaha ki ngā hapori. Hei māngai mou ki te mata o te whenua e taea ai te here, te wewete hoki, kia tutuki ai tō hiahia ki te whenua, kia rite anō ki tō te rangi.
- E te Wairua Tapu, whakakahangia mātou kia rere ai āu kupu, kia ngoto rawa ki te wehe i te wairua me te ngākau, ngā hononga me te hinu wheua, ā, kia whakamātau hoki i ngā whakaaro me ngā hiahia o te ngākau o te hunga e whakarongo mai ana.
- E whakapuaki ana mātou, i ngā tau e eke mai ana, ka kauhautia te Rongopai katoa ki roto i ā mātou hāhi katoa, ehara i te kupu anake, engari mā ngā mahi hoki. Ka whai mai ngā tohu me ngā merekara i muri i te kauhau whai kaha rawa, whai mana hoki, mō te ripeka me te aranga mai o ʻIhu Karaiti.
- E te Wairua Tapu, ka whakamoemiti mātou ki a koe nāu mātou i āhehi ai ki te tū ki waenganui i a koe me te ao kāore anō kia whakapono. Whakaakona, ārahina hoki mātou, kia noho ai ā mātou hāhi katoa i roto i ngā tāone me ngā hapori hei whare inoi.
- E te Atua, whakawhānuihia, whakakahangia hoki tō mātou āheinga ki te inoi mō te hunga kāore anō kia whakapono atu ki a koe, ratou e noho piri tata ana ki a mātou. Mā ā mātou inoi e para te whenua mārō o ngā hapori, kia rite ai mō ngā mahi a tō Wairua.
- Pou whāinga ā-rohe/ā-motu/ki te ao:
Manaakitia te hunga toi, te hunga auaha, me ngā mahi toi o tō tāone, o tō hapori hoki.
Inoi mo ngā kaiwhakatangi puoro, ngā kaituhi, me ngā ringatoi. Karangatia o ratou ingoa.
Kawea atu ki te aroaro o te Atua te hunga katoa e mahi ana i roto i te pūnaha ture taihara o Aotearoa.
Tukuna o inoi kia noho ai te pono me te ngākau tapatahi mo ngā pou o ngā pirihihana, ngā rōia, ngā kaiwhakawā, ngā āpiha whakatika herehere, ngā kaimahi aroturuki, me ngā āpiha o ngā kōti.
Inoi mō John rāua ko Mary Elliott (e noho ana ki Aotearoa), Jason rāua ko Judy Fawcett (Āwherika ki te Tonga).



“Nā, i tā rātou kitenga i te māia o Pita rāua ko Hoani, ā, ka mōhio hoki he tāngata kāore i kuraina, he tāngata noa iho, ka mīharo rātou; ā, ka mōhio rātou kua noho ēnei tāngata ki a Īhu.”

Ngā Mahi 4:13

Ngā Kaupapa Inoi

- E te Ariki, e Īhu, ka anga taku titiro ki a koe, ā, ka whakanuia koe. E kite ana ahau i a koe e whakateiteihia ana, ko koe taku toa, te kaiwhakakaha, me te kaiwhakatutuki i te wikitoria ki runga i ōku hoariri.
- E te Wairua Tapu, e inoi atu nei, kia ūhia tō hā ki roto i ahau i tēnei rā. Whakakaha mai, whakatenatena mai hoki i ahau kia ū ai taku whakapono, nā te mea he nui ake koe i te mea kei te ao.
- E inoi atu nei ki a koe mo te kaahui o ngā hāhi. Kia tū māia ai mātou. A, i roto i tā mātou koropiko atu ki a koe, i roto i tā mātou whakakotahi ka puta ko ngā hui, ara, ko ou tamariki, ou tama, ou tamāhine māia. Kia rite anō mātou ki te ope tauā kua whakakākahuria ki ngā rākau wairua e whai mana Atua ana ki te turaki i ngā pā kaha.
- E pōkia ana mātou i te toto ora o Ihu Karaiti ki ngā whakataratara e tukituki nei i o mātou whānau, i ō mātou hāhi, me te motu whānui. Ka whakapuaki mātou, he kupu pai ake tā te toto o Īhu e kōrero nei i ngā kupu katoa kua tuhia, kua kōrerotia rānei mō mātou e ngā hoariri o te Atua.
- Kā inoi atu nei, i roto i ia tānei, i ia wahine, i ia tamaiti kei roto i o mātou haahi, ka rongo ratou i te ahurutanga o te Wairua Tapu. Mā te whakapono me te whakapākanga o ngā ringaringa, ka rongo i te Wairua Tapu, kia ora ai te tangata.
- Pou whāinga ā-rohe/ā-motu/ki te ao:
Whakaarahia ki te Atua tō koromatua me tō kaunihera (whakahuatia ō rātou ingoa mēnā e mōhio ana koe).
Inoi mo ngā kaiako, ngā kaiwhakaako whare wānanga, me ngā kaitiaki tamariki puta noa i Aotearoa.
Inoi mō Colin rāua ko Jenny Ayling (Mohapiki, e noho ana ki Aotearoa), Val Bateup (Tairana, e noho ana ki Aotearoa), me Malcolm rāua ko Linda Bayliss (Ahia ki te Tonga mā Rāwhiti, e noho ana ki Aotearoa).

“Ko tōku hiahia nui tonu kia kauwhautia te Rongopai ki ngā wāhi kāore anō a te Karaiti kia mōhiohia, kia kore ai ahau e hanga ki runga i te tūāpapa kua whakatakotoria e tētahi atu. Engari, e ai ki te mea kua oti te tuhituhi: 'Ka kite te hunga kāore anō kia kōrerotia mōna, ā, ka mārama te hunga kāore anō kia rongo.'”

Roma 15:20–21

Ngā Kaupapa Inoi

- E te Ariki, e Īhu Karaiti, homai ki a mātou ou karu kia kite ai mātou i o mātou hapori, pēnei i tāu e kite ai. Kia kite anō mātou i ngā wāhi kua pakaru, ā, kia oho ō mātou ngākau ki te aroha. Ka tangi atu mātou ki a koe, nō te mea i roto i tō tātou whenua, he rite ētahi hapori ki te hipi kāore he hepara, kua whakamāuiuihia, kua whakarerea.
- Murua o mātou hē mō ngā wā i tahuri kē ai mātou, mō ngā wā rānei i whakawhiti kē atu ai i te huarahi. Mō ngā wā i pōkitia ai mātou e te hari o tou aroha, ā, ka wareware ki te kaha me te hari o te noho hei whakautu mō ō mātou hoa tata.
- E Īhu, ka whakawhetai atu mō tō whakaatu mai ki a mātou te tikanga o to matou haerenga, ara, kia tuku i te aroha, te kaha, me te mana ki te whakatō i ngā hapori whakapono hou.
- E whakapuaki ana mātou, i te Hui Nui me ngā tau kei te eke mai, ka mōhiohia te Huihuinga o te Atua o Aotearoa, mō tō mātou aroha ki te hunga kāore anō kia mōhio ki a koe.
- Whakahouhia ō mātou ngākau kia whiti ake ai tō mātou aroha, tētahi, ki tētahi, kia kaha ake haere, kia kore ai e taea te whakahē e te hunga kāore anō kia whakapono.
- E te Wairua Tapu, kia whakaūngia mai mātou ki roto i tō aroha noa. Kia huakina ngā tatau mō ngā karangatanga katoa, mō ngā taonga tuku iho kua korowaitia ki runga i a mātou. Kia ara ake, ā, kia haere hoki mātou ki ngā tōpito o te motu kia puawai he haahi hou, ki tēnā waahi, ki tērā waahi i Aotearoa nui tonu, i roto i te ingoa tapu o Ihu Karaiti.
- Pou whāinga ā-rohe/ā-motu/ki te ao:
Whakaritea he wā ki te manaaki me te inoi mō ngā hāhi katoa o ērā atu whakapono Karaitiana e tata ana ki tō wāhi noho.
Inoi atu ki te Atua kia homai e ia te mātauranga me te whakawahinga hou mō ngā kaiārahi o ngā hāhi Karaitiana katoa i Aotearoa.
Inoi mō Heather Bourn (Wīwī), Max rāua ko Dorothy Chismon (Āhia ki te Tonga–Rāwhiti, e noho ana ki Aotearoa).



“Titiro, ka whai whakaaro nui taku pononga, ka whakanuia, ka whakateiteitia, ka tino whakairihia ki runga rawa. Pērā i te tokomaha i ohore i tōna āhua — kua tino rerekē tōna āhua i tō te tangata, kua kore e rite ki te tangata tōna āhua — ka tauhiuhia e ia ngā iwi maha, ā, ka kati ngā karauna i ō rātou waha i mua i a ia. Ko ngā mea kāore anō kia kōrerotia mōna, ka kite rātou; ā, ko ngā mea kāore anō kia rangona, ka mārama rātou.” Ihaia 52:13–15

Ngā Kaupapa Inoi


- E te Matua i te Rangi, murua o mātou hara mō ngā wā i ngoikore ai mātou, ā, whakarerea ai mātou i tō mātou ripeka. Whakaungia mai mātou ki roto i tō aroha noa, tō atawhai, tō kaha hoki. Homai to māramatanga kia noho ai mātou i runga i te ngākau ripenetā. Kia mārama ai mātou ki te utu, kia whai whakaaro nui, kia kōwhiri ai i te ara o te ngākau whakaiti, ā, kia hiki anō ai tō mātou ripeka.
- Ko tenei tā mātou inoi, ko te Huihuinga o te Atua o Aotearoa he kaahui e tū ana i runga i te mana o te Atua, kia ora ai ngā hapori, ngā tāone, me ngā wāhi katoa o tō tātou whenua. He iwi e kauhau ana i te herekoretanga kei roto i a te Karaiti, e whakaora ana i ngā ngākau mamae ana, e whakaora ana i te hunga māuiui.
- Ka inoi atu nei ki a koe kia whakaara ake koe i ngā whakawāhinga o ngā Āpōtoro, ngā Poropiti, ngā Kaikauhau i te Rongopai, ngā Hepara, me ngā Kaiako puta noa i tō mātou kaahui. Kia pakeke ai, ia tane, ia wahine, ia tamaiti, hei kaikoroti mō te kotinga.
- Ka inoi mātou mō Pāhita Terry, tō mātou Kaiwhakahaere Matua, me te rōpū whakahaere matua. Tukuna mai ou rautaki mōhio, tou kaha, tou māiatanga kia āhei ai rātou ki te ārahi i tō mātou kaahui. i runga i tāu e whakahau nei.
- Pou whāinga ā-rohe/ā-motu/ki te ao:
Inoi mo ngā kaitiaki me ngā kaimahi toko i te ora o tō tāone, o tō hapori hoki.
Inoi kia ara ake ngā kaiwhakahou whakaaro me ngā kaipakihi hou i Aotearoa.
Inoi mō Sam rāua ko Carol Soukotta (Initonihia), me Rod rāua ko Lynley Talbot (Āwherika), kia tiakina, kia whakakahangia, kia manaakitia hoki rātou i roto i ā rātou mahi mō te Atua.

“Nō reira, me whakawhetai ki te Atua, nāna nei i homai te wikitoria ki a tātou mā tō tātou Ariki, mā ʻIhu Karaiti. Nā reira, e aku teina, e aku tuāhine aroha, kia ū, kia kaua e nekehia. Kia nui tonu tō koutou whakapau kaha ki te mahi a te Ariki i ngā wā katoa, nō te mea e mōhio ana koutou, kāore e kore noa iho ā koutou mahi i roto i te Ariki.”

1 Koriniti 15:57–58

Ngā Kaupapa Inoi

- E te Matua i te Rangi, ka whakahonoretia i a koe, ko koe te Atua mahi mutunga kore. E mahi tonu ana i te ao, i te pō i ou mahi wairua. Ko to hiahia nui, ko te rapu tonu i te hunga kua ngaro, koia tō kaupapa matua. E te Matua, ko au tō tamaiti ā e hari ana kua whai wāhi ahau ki tēnei āhuetanga hoki arā ko te DNA mīhana, ko au ko koe, ko koe ko au. I tēnei rā ka whai au i ou tapuwāe, me ngā mahi wairua kua tukuna mai e koe ki ahau.
- Murua o mātou hara mō ngā wā i pōkea ki te matakū, i kaipukutia, i whakamā rānei, ā, kāore i kōrero ki tētahi o te hari ki roto i a koe. Murua o mātou hara mō ngā wā kāore mātou i tuku atu i ngā manaakitanga o tō mātou hononga ki a koe.
- E whakapuaki ana mātou, mai i tenei rā tonu ka tukuna atu te Huihuinga o te Atua o Aotearoa hei ope kaha ki te kotinga kua maoa. A, ko tā mātou tuakiri ki roto i a ia ko tēnei: “Ngā kaimahi a te Atua, he whare tangata kua whakatōpūtia e ia hei kohikohi i ngā iwi katoa.”
- Ka whakawhetai atu mātou ki a koe mō tou whakaara me te tuku mai i ngā enei koha o te Āpōtoro, te Poropiti, te Kaikauwhau Rongopai, te Hepara, me te Kaiako puta noa i tō mātou kaahui. Ka whakawhetai mātou ki a koe mo tou whakatipu i roto i a mātou te kaha e puta mai ana i te ngākau whakaiti. Kei te hōhonu haere tō mātou aroha tētahi, ki tētahi; kei te whakarangatira mātou i a rātou, e whakawātea ana te huarahi kia puawai o rātou taonga tuku iho.
- Pou whāinga ā-rohe/ā-motu/ki te ao:
Inoi kia ara ake te tūmanako i roto i ngā ngākau o te hunga e herea ana e ngā waranga me te hunga e pāngia ana e te pōuri i tō tāone, i tō hāpori hoki.
Inoi kia puta puta noa i Aotearoa te hurihanga o ngā ngākau o ngā tamariki ki ō rātou mātua, ā, kia hoki ngā ngākau o ngā mātua ki ā rātou tamariki.
Inoi mō Hilary rāua ko Jackie Tumusiime (Ukānga), Robin rāua ko Margaret Aim (Kēnia), me Peter rāua ko Helen Brown (Piripini), kia tiakina, kia whakakahangia, kia manaakitia hoki rātou i roto i ā rātou mahi mō te Atua.



*“Nō te taenga atu ki reira, ka mea ia ki a rātou,
‘Inoi kei hinga koutou ki te whakamātautauranga.’*

*Nā ka wehe atu ia i a rātou, āhua kotahi te
whiunga kōhatu te tawhiti, ka tuturi ia, ka inoi, ka
mea, ‘E te Matua, ki te pai koe, tangohia atu tēnei kapu o te mamae
i ahau. Heoi anō, kua ko tōku hiahia, engari ko tō hiahia kia mahia.’*

*Nā ka puta mai tētahi anahera i te rangi ki te whakakaha i a ia. Ka
kaha ake tana inoi, ā, nui atu tōna mamae o te wairua, ā, ka rite
tōna werawera ki ngā pata toto e maturuturu ana ki te whenua. Ka
whakatika ia i tana inoi, ka hoki atu ki āna akonga, ka kitea e moe
ana rātou i te pouri. Ka mea ia ki a rātou, ‘He aha koutou i moe ai?’*

Whakatika, inoi, kei hinga koutou ki te whakamātautauranga.”

Ruka 22:40–46


Ngā Kaupapa Inoi

- E te Wairua Tapu, ka whakawhetai ahau ki a koe mō tō kaha e taea ai e au te kawe i te kawenga kua tukua mai e koe ki ahau. E te Matua i te Rangi, kia meatia tau e pai ai ki runga i te whenua kia rite anō ki tō te rangi, kua ko ōku hiahia ake. Te nui o te hari ki tau aroha ki ahau, ā, tukuna mai e koe āu anahera hei whakakaha i ahau me ōku hoa whakapono. Ka inoi ahau, kia kua ahau e hinga ki te whakamātautauranga, ā, kia whakakahangia tō hāhi.
- Murua o mātou hara mō ngā wā e ngoikore ana mātou, i roto i te inoi, ā, i ngaro ai te kitenga ki te mana kei roto i ā mātou inoi. Homai tou aroha noa mō te inoi, me te hiahia kia ū tonu, kia inoi tonutia.
- E whakapuaki ana mātou, i roto i tō mātou kaahui hāhi, mā te wairua o te inoi me te ngākau whakaiti ki mua i te aroaro o te Atua ka huakina mai ai te rangi. Kia ārahina ngā tāngata katoa i roto i ō mātou hāhi kia inoi, kia nohopuku hoki mō te kotinga. Kia whakakahangia mai mātou, kia ora ai ngā taonga tuku iho mō te mīhana me te mahi i roto i ngā wāhi mahi, ngā hapori, me ngā hāhi.
- Pou whāinga ā-rohe/ā-motu/ki te ao:
Inoi atu ki a ia kia tukuna e ia āna manaakitanga, kia toro mai te Wairua Tapu ki runga i te tonga o Te Waipounamu.
Inoi atu ki a ia kia tiakina, kia whakawahia hoki a Pāhita Peter Neklen me ērā atu minita o taua rohe.
Inoi atu ki a ia, mo āna manaakitanga, kia tū māia, kia tutuki ai ngā whakaritenga, me te mātauranga hoki mō tō mātou Kaiwhakahaere Matua, Pāhita Terry Bradley, rāua ko Rowena Bradley.
Inoi mō Kay Fountain (Āhia Ki te Moana-nui-a-Kiwa, e noho ana ki Aotearoa), Allen rāua ko Elizabeth O’Loughlin (UK), Doug rāua ko K@linda (Āhia ki te Rāwhiti), me M rāua ko K T (Āhia ki te Tonga-Rāwhiti), kia tiakina, kia whakakahangia, kia manaakitia hoki rātou i roto i ā rātou mahi mō te Atua.

“Nā konei ahau ka tuku iho ai i ōku turi ki te Matua o tō tātou Ariki, o Īhu Karaiti, nāna nei i huaina ai ngā whānau katoa i te rangi me te whenua, kia homai e ia ki a koutou, kia rite ki te nui o tōna korōria, kia whakakahaia koutou ki te kaha mā tōna Wairua i roto i te tangata o roto.” Ēpeha 3:14–16

Ngā Kaupapa Inoi

- E te Matua i te Rangi, e miharo ana ō mātou ngākau ki ō kupu whakaari me tō pono ki tō mātou kaahui hāhi puta noa i ngā tekau tau maha. Ka whakawhetai mātou ki a koe, ahakoa ō mātou ngoikoretanga, kua ū tonu koe, kua tiakina hoki mātou hei iwi mōu.
- E whakawhetai atu ana mātou ki a koe mō tou tirohanga, tou whakakitenga, te aroha noa, me te mana kua homai ki te kaahui Te Huihuinga o te Atua puta noa i te ao, kia taea ai te whakanuia ake tōna rahi i mua i te tau 2033.
- E te Wairua Tapu, tēnei te ngākau whakaute, e whakapūmautia ana, e kore tēnei whakakitenga e tutuki mā te kaha, te mana rānei o te tangata, engari māu anake. E te Matua, homai ki a mātou te kaha nui i roto rawa i ō mātou ngākau, te kaha e ahu mai ana i tō korōria. Kia mau tonu mātou ki te ngākau whakaiti me te aro ki ō ara, nō te mea he tere rawa tā mātou whakawhirinaki ki tō mātou ake kaha.
- E te Matua, ka inoi atu ahau kia whakaaturia mai e koe ngā wāhi kāore anō a Īhu Karaiti kia noho hei Ariki i roto i tōku orange. Haere mai, whakaatu mai mēnā he ara kino kei roto i ahau. Haere mai ki waenganui i ō mātou hāhi, homai te māia kia turakina ngā mea kino, ngā mea kāore e tika ana mō ngā mahi wairua kua whakaritea mo mātou ou pononga.
- E whakapūmau ana, e whakapuaki ana mātou, ara, hei te Hui Nui a i tua atu hoki, ko te Huihuinga o te Atua o Aotearoa he kaahui kaha i roto i te mana o te Atua.
- Pou whāinga ā-rohe/ā-motu/ki te ao:
Inoi atu ki a ia kia tukuna e ia āna manaakitanga, kia toro mai te Wairua Tapu ki te puku o Te Waipounamu.
Inoi atu ki a ia kia tiakina, kia whakawahia hoki a Pāhita Jonathan Hales me ērā atu minita o taua rohe.
Inoi atu ki a ia, mo āna manaakitanga, kia tū māia, kia tutuki ai ngā whakaritenga, me te mātauranga hoki mō tō mātou Kaiāwhina Kaiwhakahaere Matua, ā, mō te kaiārahi o te iwi Hāmoa, Pāhita Lau rāua ko Nancy Faletutulu.
Inoi atu ki a ia kia tukuna mai e ia āna manaakitanga ki runga i ngā hāhi Hāmoa katoa, ā, kia tukuna mai ngā kaiwhakatū hāhi Hāmoa hou.
Inoi mō John rāua ko Linda Watson (e noho ana ki Aotearoa), D rāua ko P W (Āhia ki te Tonga–Rāwhiti), me Ken rāua ko Erla Virtue (Piripīni), kia tiakina, kia whakakahangia, kia manaakitia hoki rātou i roto i ā rātou mahi mō te Atua.



“Hei whakamutunga, e ngā tuākana, inoi koutou mō mātou, kia hohoro ai te rere o te kupu a te Ariki, kia whakakorōriatia ai hoki, pērā anō i tōna mana i waenganui i a koutou. Inoi hoki kia whakaorangia mātou i ngā tāngata kino, i ngā tāngata whakarihariha; ehara hoki i te katoa he whakapono. He pono ia te Ariki, ā, māna koutou e whakapakari, e tiaki hoki i te tangata kino. E whakapono ana mātou ki te Ariki mō koutou, kei te mahi tonu koutou, ā, ka mahi tonu hoki koutou i ngā mea kua whakahaua atu e mātou. Kia ārahina ō koutou ngākau e te Ariki ki te aroha o te Atua, ki te manawanui hoki o te Karaiti.”

2 Teharonika 3:1–5

Ngā Kaupapa Inoi


- Ka whakawhetai atu ki a ia mō te aroha nui ki te Ariki, ki a Īhu Karaiti, i whakaohoho ai i ō mātou mātua tupuna o mua, i para rātou i te huarahi mō te whakaaturanga o te Wairua Tapu me te whakapono Pētekoha ki Aotearoa.
- E te Matua i te Rangi, ka inoi mātou, pēnei i tāu i mahi ai i te wā i whakakā ai koe i te mura tuatahi o te Pētekoha ki ō mātou takutai, kia whakaarahia anō e koe te aroha tuatahi i roto i ō mātou hāhi. Whakaaturia mai hoki ngā wāhi kua herea ai mātou e te matakū ki ngā whakaaro o ētahi atu.
- E te Ariki, e Īhu Karaiti, ka whakawhetai mātou ki a koe nā te mea kei te mura tonu te ahi o te Pētekoha i roto i ngā tāne, ngā wāhine, ngā tama me ngā tamāhine o ngā reo katoa, ngā iwi katoa, me ngā reanga katoa o tō tātou whenua.
- E whakapuaki ana mātou i te manaakitanga o te Atua, o te Matua o tō tātou Ariki, o Īhu Karaiti, ki runga i tō mātou Hui-ā-motu me tō mātou kaahui mō ngā tau kei te eke — he manaakitanga e whakakotahi ana i ngā ahurea maha, ngā reanga maha, me te whanaungatanga tētahi ki tētahi.
- E inoi ana mātou kia whiti mai anō he wā hou i roto i te whakapono me te tūmanako ki a Īhu Karaiti mō Aotearoa. Kia ara ake he waiata hou ki ngā ngutu o ngā tāngata o Aotearoa — he waiata e hari ana ki te pai o te Atua me ngā mahi kua oti i a Īhu.
- Pou whāinga ā-rohe/ā-motu/ki te ao:
Inoi atu ki a ia kia tukuna e ia āna manaakitanga, kia toro mai te Wairua Tapu ki Te Waipounamu.
Inoi atu ki a ia kia tiakina, kia whakawahia hoki a Pāhita Ross Ferguson me ērā atu minita o taua rohe.
Inoi atu ki a ia, mo āna manaakitanga, kia tū māia, kia tutuki ai ngā whakaritenga, me te mātauranga hoki mō tō mātou mema o te Roopu Whakahaere, ā, mo te Kaiarahi o Te Roopu Māori, Pāhita Mina raua ko Dennis Acraman.
Inoi atu ki a ia kia tukuna mai e ia e rua ngā wāhi o tōna ki runga i ngā hāhi Māori katoa, ā, kia tukuna mai ngā kaiwhakatū hāhi Māori hou.
Inoi mō Solomon raua ko Sola Chand (Nauru), J raua ko C M (Initonihia), me Hamish raua ko Haidee Betts (Hingapori), kia tiakina, kia whakakahangia, kia manaakitia hoki rātou i roto i ā rātou mahi mō te Atua.

RĀ 11

“Engari ka whiwhi koutou i te kaha ina tau iho te Wairua Tapu ki runga ki a koutou; ā, ka waiho koutou hei kaiwhakaatu mōku i Hiruhāranga, i Huria katoa, i Hamaria hoki, tae noa ki ngā pito o te whenua.” Ngā Mahi 1:8

Ngā Kaupapa Inoi

- E te Matua i te Rangi, ka whakawhetai mātou ki a koe mō tou tuku mai i te Wairua Tapu, te Kaiwhakamarie whakamīharo, tō mātou kaiārahi rautaki mō te mīhana, e whakakaha nei i a mātou kia kaupare atu i te kino a te rewera.
- E inoi atu ana ki a koe kia tukuna mai ou manaakitanga, kia waipuke mai te Wairua Tapu ki runga i Aotearoa, e kore rā e aukati. Māu e whakaora, e whakahouhia tō hāhi hei ipu waina hou, he ipu kaha, he ipu rite mō te waina hou.
- E inoi ana mātou, ka whakatūria ngā hāhi hou me ngā hāpori whakapono hou puta noa i tō tātou whenua. I ngā tau e eke mai ana, homai ki a mātou tou aroha noa mō te whakatipu akonga. Kia noho ngā akonga hei kaimahi kua tukuna atu ki te kokoti i te kotinga, ā, ki te whakatipu akonga i ngā iwi katoa.
- E inoi ana mātou kia mākere ngā here, ngā kanga, ngā waranga, ngā māuiui me ngā mate mā te toto o Īhu Karaiti. Ka whakakuene te toto o Īhu ki runga i tō mātou whenua. I roto i te ingoa o Īhu, ka herea e mātou ngā hoariri o te Atua, ka turakina ngā pourewa kaha, ā, ka whakahaua ngā wairua kino kia haere atu.
- Pou whāinga ā-rohe/ā-motu/ki te ao:
Inoi atu ki a ia kia tukuna e ia āna manaakitanga, kia toro mai te Wairua Tapu ki te Rohe o Te Whanganui-a-Tara.
Inoi atu ki a ia kia tiakina, kia whakawahia hoki a Pāhita Malcolm Bayliss me ērā atu minita o taua rohe.
Inoi atu ki a ia, kia manaaki, kia atawhai hoki ia i tō mātou kāreti a Alphacrucis.
Inoi atu ki a ia, kia karangahia mai ngā taurua nō ngā reanga katoa ki te ako i ngā Karaipiture me te mana o te Wairua Tapu ki Alphacrucis.
Inoi kia piki te kaha, kia hōhonu ake te mātauranga, kia piki te māramatanga ki te aroha o te Atua mō te Kaiwhakahaere ā-Motu, Pāhita Leeana Kukutai, me ngā kaimahi katoa o Alphacrucis.
Inoi mō Philip rāua ko Sarah Hawken (Kēnia), me D rāua ko H F (Kamapōtia), kia tiakina, kia whakakahangia, kia manaakitia hoki rātou i roto i ā rātou mahi mō te Atua.



“Nō reira, he karere mātou nā te Karaiti; e mea ana te Atua i tana tono mai mā roto i a mātou. Ka kōrero mātou mō te Karaiti, i a mātou e akiaki atu ana: 'Hoki mai ki te Atua!'”
2 Koriniti 5:20

Ngā Kaupapa Inoi

- E te Matua i te Rangi, ka koropiko atu mātou ki a koe. Nau te honore, te whakamoemiti, me te korōria mō ngā mea kua oti kē i a koe, me ngā mea kua oati i roto i ō mātou whānau, ō mātou tāone, ō mātou hāpori, ō mātou hāhi, me tō tātou whenua.
- Ka whakawhetai atu mātou ki a koe mo tou whakapakari i a mātou, e tuitui tahi nei i a mātou, ā, e mahi nei i tētahi mea hou i roto i tō mātou kaahui wairua. E te Matua, kia meatia tau e pai ai ki waenganui i a mātou, whakaotia te mea kua tīmatahia e koe. Whakaungia mai mātou ki roto i tō aroha noa, kia whiti mai tō kanohi ki runga i a mātou i te Hui-ā-Motu me ngā tau kei te eke mai. Mahia te mahi hōhonu, te mahi pumau ki roto i ō mātou hāhi.
- E tō mātou Atua, ka whakawhetai mātou ki a koe i tae mai koe ki te whenua nei o Aotearoa, i tatū mai koe ki waenganui i te iwi Maori. I pōhiritia a mātou mātua tipuna i te Rongopai ki ēnei whenua, ā, i tere tonu te tuku atu i ngā kaikauhau me ngā kaiwhakatū hāhi ki te motu whānui. Ka whakawhetai atu mātou ki a koe mō ngā ahi whakaora i tahuna puta noa i ngā iwi me ngā hapū. E te Wairua Tapu, uhia to hā ki runga i ngā pungarehu kia mura ai te ahi, kia whānau hou ai te iwi Maori no ngā iwi katoa o te motu, i roto i te wairua, i roto hoki i te ingoa Tapu o Ihu Karaiti.
- E te Ariki, e Ihu Karaiti, ka whakawhetai mātou ki a koe mō tou whakakitenga hou me ngā rautaki hou hei whakatipu akonga me te whakatō hāhi. Toro mai to Wairua Tapu ki ngā hāhi katoa, kia rongo ai ngā haahi i te tangi apakura o te hunga e mamae ana, te hunga kua herea e ngā waranga, kua kore he kāinga hoki. Ko tēnei ta mātou tangi: “Whakapiki i taku kaha, e te Ariki. Tukuna ahau i roto i te aroha, tukuna ahau i roto i tō aroha noa, tukuna ahau ki ngā haerenga whakapono me te mana hei wewete i te hunga kua herea.”
- Pou whāinga ā-rohe/ā-motu/ki te ao:
Inoi atu ki a ia kia tukuna e ia āna manaakitanga, kia toro mai te Wairua Tapu ki te Rohe o Te Tai Hauāuru o Te Ika-a-Māui.
Inoi atu ki a ia kia tiakina, kia whakawahia hoki a Pāhita Paul Cornish me ērā atu minita o taua rohe.
Inoi mō Pāhita Pip Batten i a ia e whakakaha ana i ngā wāhine o tō mātou kaahui wairua. Inoi kia whakaarahia e te Atua ngā wāhine toa i te wairua me ngā wahine whai mana, kia mahi kaha ai rātou i roto i ō rātou ake whānau, ō rātou hāpori, ō rātou hāhi, me ngā wāhi mahi.
Inoi atu ki a ia kia korowaitia to mātou mema o te Rōpu Whakahaere a Pāhita Sanjai rūau ko Sunitha Kandregula ki ngā manaakitanga, kia māia, kia rawaka, kia mātau hoki ia.

RĀ 13

“Kātahi ka karangatia e Mohi a Hōhua, ā, ka mea atu ki a ia i te aroaro o Iharaia katoa, 'Kia kaha, kia māia, nō te mea me haere koe me tēnei iwi ki te whenua i oati ai a lhowā ki ō rātou mātua ka hoatu ki a rātou, ā, māu e wehewehe hei taonga tuku iho mō rātou. Ko lhowā tonu ka haere i mua i a koe; ka noho ia ki a koe, e kore rawa ia e whakarere i a koe, e kore hoki koe e mahue i a ia. Kauga e matakū, kauga hoki e ngakaukore.’” Teuteronōmi 31:7–8

Ngā Kaupapa Inoi

- E te Ariki o te kotinga, kua rongo mātou i te karanga. Ko mātou, te Te Huihuinga o te Atua o Aotearoa, kua whakaaroarohia te utu, ā, ka mea atu mātou: “Āe, ka utua e mātou te utu.” Ka haere mātou hei Āpōtoro. Ka haere mātou hei Poropiti. Ka haere mātou hei Kaikauhau i te Rongopai. Ka haere mātou hei Hepara (Minita), ā, ka haere mātou hei Kaiako.
- Pēnei i tō haerenga mai, e te Ariki, e ʻIhu Karaiti, ka tukua hoki mātou, tētahi ki tētahi. Ka whakawhetai mātou ki a koe, ā, ka whiwhi hoki mātou ki te ora tonu kei roto i tēnā, i tēnā o mātou, hei whakapakari, hei manaaki hoki.
- Murua o mātou hara, e te Ariki, e ʻIhu Karaiti, mō ngā wā i kāpo to mātou tirohanga ki te wāriu o te tangata, i whakaiti ai mātou i ētahi atu, i mōumou hoki ngā taonga tuku iho, i koha mai koe ki a mātou. Homai he kanohi hou kia kite ai mātou, me ngā taringa hou kia rongo ai mātou i te tangata.
- Ka titiro mātou ki tō mātou taha mauī, ka titiro hoki ki tō mātou taha matau. Ka kite mātou, ka tuku mātou, ā, ka karanga atu mātou kia ara ake ngā Āpōtoro, ngā Poropiti, ngā Kaikauhau i te Rongopai, ngā Hepara, me ngā Kaiako.
- E inoi atu ana mātou kia tae mai he wā hou mo te Huihuinga o te Atua o Aotearoa. Ka kite mātou i te kotahitanga o ēnei taonga tuku iho e rima e tukuna ana ki te kotinga. Ka kite wawe mātou i tētahi whakaoranga ka mau tonu, me te mahi whakatipu akonga e mahia tonutia mō ngā tekau tau e hou mai nei.
- Pou whāinga ā-rohe/ā-motu/ki te ao:
Inoi atu ki a ia kia tukuna e ia āna manaakitanga, kia toro mai te Wairua Tapu ki runga i te Tai Rāwhiti o Te Ika-a-Māui.
Inoi atu ki a ia kia tiakina, kia whakawahia hoki a Pāhita Sajan Easow me ērā atu minita o taua rohe.
Inoi kia noho tō mātou kaahui wairua hei whare haumarū, hei wāhi hari mō te ngahuru tamariki. Inoi kia tipu ake ngā akonga tamariki ki roto i ō mātou hāhi.
Inoi mo Pāhita Sarah Coupe e ārahi ana i te Mahi Tamariki-ā-motu, ā i roto hoki i tāna turanga e whakahaere ana i ngā pūtea me ngā utu takoha i te Tari ā-Motu.



RĀ 14

“Engari ko koutou he iwi kua kōwhiria, he tohunga ariki, he iwi tapu, he taonga motuhake nā te Atua, kia whakapuaki ai koutou i ngā whakamoemiti mōna i karanga mai i a koutou i te pōuri ki tōna māramatanga whakamīharo. I mua kāore koutou i te iwi, engari ināianei kua noho koutou hei iwi mō te Atua; i mua kāore koutou i whiwhi i te aroha, engari ināianei kua whiwhi koutou i te aroha.”

1 Pita 2:9–10

Ngā Kaupapa Inoi

- Mā te Wairua Tapu koe e arahi, ā, whakamahia ēnei kupu mai i 1 Pita 2 (ki raro), ā, whakapuakitia hei inoi whakapono mō ngā tāngata, ngā tāone, ngā hāhi, me ngā iwi o te ao.
- Whakauruhia ngā ingoa o ngā tāngata, tō tāone, tō hāhi, me ngā whenua ki roto i ēnei taiapa [] i a koe e inoi ana.
- “Mō koutou [], he iwi koutou kua kōwhiria e te Atua. Ko koutou [], he tohunga ariki, he iwi tapu, he taonga ake nā te Atua. Nā reira, ka taea e koutou [] te whakaatu ki ētahi atu i te pai o te Atua, nāna koutou [] i karanga mai i te pōuri ki tōna māramatanga whakamīharo, ā, kua tukuna koutou e ia kia mahi i ngā mahi nunui i runga i tōna ingoa kaha.”
- Pou whāinga ā-rohe/ā-motu/ki te ao:
Inoi atu ki a ia kia tukuna e ia āna manaakitanga, kia toro mai te Wairua Tapu ki runga i Te Waiariki.
Inoi atu ki a ia kia tiakina, kia whakawahia hoki a Pāhita Dennis rāua ko Mina Acraman me ērā atu minita o taua rohe.
Inoi atu ki a ia kia tau anō te rangimārie ki Hiruhārama, me te whakaoranga wairua i Iharaia. Kia whiwhi ai rātou i a Ihu hei te Karaiti, ā, kia whakanuia ia, te whakatinanatanga o ngā kupu whakaari onamata i tukuna ki te iwi Hurai.

RĀ 15

“Na ka tahuri atu a lhowa ki a ia, ka mea, Haere i runga i tenei kaha ou, whakaorangia hoki a lharaira i te ringa o Miriana: kahore ianei ahau i tono i a koe? Na ka mea tera ki a ia, Aue, e toku Ariki, ma te aha ahau e whakaora ai i a lharaira? titiro, noku te hapu rawakore i roto i a Manahi, ko te iti rawa hoki ahau i roto i te whare o toku papa. Na ka mea a lhowa ki a ia, ‘Ko ahau ra hei hoa mou; a ka patua e koe nga Miriani, me te mea he tangata kotahi.’”

Ngā Kaiwhakawā 6:14–16

Ngā Kaupapa Inoi

- Homai ki a mātou te aroha noa, e te Atua, kia ara ake ai tētahi whakapono toa, tētahi whakapono kaha puta noa i tō mātou kaahui-ā-motu. Ka ū mātou ki te kupu: “Kia kaha, kia māia. Kaua e mataku, kaua hoki e ngakaukore.” Homai ngā karu kia kite ai mātou “kei a mātou a lhowā, tō mātou Atua, i ngā wāhi katoa e haere ai mātou” (Hōhua 1:9, Matiu 28).
- Kia mau tonu te mōhio i roto i a mātou: “He nui kē atu te hunga kei a tātou i te hunga kei te whakahe mai ki a tātou” (2 Ngā Kīngi 6:16).
- Murua o mātou hara, e te Matua, mō ngā wā i whakawhāitihia ai mātou ki tā mātou ake māmamatanga. Murua o mātou hara mō ngā wā i herea ai ā mātou tūmanako ki ngā wheako o mua, ā, kāore i whakapono atu ki a koe mo te āpōpō. E noho ana mātou i runga i te ngākau ripenetā, ka tahuri atu ki a koe, e inoi atu nei kia hōhonu ake tō mātou mōhio ki a koe me tō mana e mahi nei i roto i a mātou.
- E inoi atu ana ki a koe kia whakahouhia to mātou whakapono mō ngā haerenga mīhana, e ara ake ana i ngā ngākau o te hunga rangatahi me te hunga pakeke. Kia whakarongo o mātou ngākau ki ngā rautaki hou, ki ngā tohutohu a te Wairua Tapu, kia rere te mana o te Atua ki roto i a mātou.
- E kī ana mātou mō tō tātou Atua, ko ia te kaha me te kaiwhakangungu o Te Huihuinga o te Atua o Aotearoa. Ko te Ariki o te kotinga e tiaki nei i a mātou i te pō, i te ao, hei ārahi, hei tohutohu hoki i a mātou i a mātou e whakaruatua tā mātou whakaaweawe me to mātou tapuwae i mua o te tau 2033.
- Pou whāinga ā-rohe/ā-motu/ki te ao:
Inoi atu ki a ia kia tukuna e ia āna manaakitanga, kia toro mai te Wairua Tapu ki runga i a Waikato.
Inoi atu ki a ia kia tiakina, kia whakawahia hoki a Pāhita Liz Brandon me ērā atu minita o taua rohe.
Inoi atu ki a ia kia korowaitia to mātou mema o te Rōpu Whakahaere ā, te kaiārahi hoki o te iwi o Tonga, a Pāhita Anahina rāua ko Vosailangi Sikalu ki ngā manaakitanga, kia māia, kia rawaka, kia mātau hoki raua.
Inoi kia whakaruatua ngā manākitanga ki runga i ngā hāhi Tonga katoa, ā, kia tukuna mai ngā kaiwhakatū hāhi Tonga hou.



*“He kaha to ratou kaihoko; ko lhowa o nga mano tona ingoa: ka whakapaua e ia te tohe i ta ratou tohe, kia hoatu ai e ia he tangā manawa ki te whenua, a he ohooho ki nga tangata o Papurona.”
Heremaia 50:34*

Ngā Kaupapa Inoi

- E te Ariki, e Ihu Karaiti, ka rongo mātou i tō aroha. Kua horoia mātou e koe ki tō toto, kua pāngia ō mātou ngutu e te waro tapu, ā, kua whakakahangia mātou. Ka whakaae mātou ki te karanga, ka whakaae mātou ki te kawenga. Ko mātou tō iwi kua karangatia i runga i tō ingoa.
- E noho ana mātou, te Huihuinga o te Atua o Aotearoa, i runga i te ngākau whakaiti, ka inoi atu ki a koe. Ka rapu mātou i tō kanohi. Ka tahuri atu mātou i ō mātou ara hē, i ngā mea katoa o te ao, ngā mea kikokiko, me ngā mea kino.
- Atawhaitia mai, tirohia paitia mai ki runga i a mātou e tangi atu ana, e inoi atu ana mō te hunga ngaro. Murua ō mātou hara, whakahokia mai hoki tō tātou whenua. Whakatuwheratia ō kanohi me ō taringa, kia aro mai ai koe ki ngā inoi katoa kei mua i tō aroaro.
- Homai te Wairua o te Mātauranga mai i runga mō ngā kaiārahi o tō mātou kaahui-ā-motu me ngā kaiārahi o tō tātou whenua. Kia tau mai te mātauranga o te Wairua Tapu – he matauranga mā, he matauranga aroha ā, rangimārie hoki, he ngākau ngawari i ngā wā katoa, ā, e tākohekohe ana. He mātauranga e ki ana i te aroha noa me ngā hua o ngā mahi pai. He mātauranga kāore e whakatau tangata kē, ā, e pono tonu ana (Hemi 3).
- Pou whāinga ā-rohe/ā-motu/ki te ao:
Inoi atu ki a ia kia tukuna e ia āna manaakitanga, kia toro mai te Wairua Tapu ki runga i te Rohe o Tāmaki Makaurau.
Inoi atu ki a ia kia tiakina, kia whakawahia hoki a Pāhita Binuraj rāua ko Chris Sola, me ngā minita katoa o taua rohe.
Inoi atu ki a ia kia korowaitia tō mātou kaiārahi iwi Iniana, a Pāhita Binuraj ki ngā manaakitanga, kia māia, kia rawaka, kia mātau hoki ia.
Inoi kia whakaruaruatia ngā manākitanga ki runga i ngā hāhi Iniana katoa, ā, kia tukuna mai ngā kaiwhakatū hāhi Iniana hou.

“Ko koe, e Iharaia, ko taku pononga, ko Hakopa, ko taku i whiriwhiri ai, ko te uri o taku i aroha ai, o Aperahama; Ko taku ano i tango mai ai i nga pito o te whenua; he mea karanga nei hoki koe naku i roto i ona topito; ko taku kupu hoki ki a koe, Ko koe taku pononga; he mea whiriwhiri koe naku, kahore koe e maka atu e ahau. Kaua e wehi; kei a koe nei hoki ahau; kaua ano e tiro tiro; ko ahau nei hoki tou Atua: maku koe e whakakaha, ae ra, maku koe e awahina, ka tautokona ake ano koe e te ringa matau o toku tika.” Ihāia 41:8–10

Ngā Kaupapa Inoi

- E te Matua i te Rangi, ka whakawhetai atu mātou ki a koe mō tō piripono mai ki Te Huihuinga o te Atua puta noa i te ao. Tou aroha noa me te kotahitanga kua tukuna mai ki a mātou kia kite tahi ai mātou i te whāinga kia whakaruatua tō mātou rahi i mua i te tau 2033.
- Ka titiro anō mātou ki a koe, tukuna mai tō kaha me te whakapono kia whakanuia ake tō mātou whai wāhi ki te ao.
E tō mātou Atua, ka whakawhirinaki mātou ki a koe. Whakakahangia mātou.
E matenui ana mātou mō tō mana ki waenganui i a mātou. Ka whakawhetai atu mātou ki a koe, i whānau mai tō mātou kaahui-ā-motu i roto i te whakaoranga wairua, kia puawai te whenua.
Nō reira i tēnei rā, ka whakapuaki māia mātou:
Ko te whakaoranga wairua he ahuatanga ka kitea, ia rā, ia rā.
Ko te mana atua me ngā tohu whakamīharo tō mātou tuakiri.
Ka tangi atu mātou ki a koe, whakamahia mai mātou, kia ora ai te whenua. Whakahoutia mātou, e te Atua “Ehara i te kaha, ehara i te mana, engari mā tō Wairua.”
- Pou whāinga ā-rohe/ā-motu/ki te ao:
Inoi atu ki a ia kia tukuna e ia āna manaakitanga, kia toro mai te Wairua Tapu ki runga i Te Tai Tokerau.
Inoi atu ki a ia kia tiakina, kia whakawahia hoki a Pāhita Shaun Foster, me ngā minita katoa o taua rohe.
Inoi atu ki a ia kia korowaitia tō mātou kaiārahi o te iwi o Whītī, a Pāhita Solo rāua ko Wati Stark ki ngā manaakitanga, kia māia, kia rawaka, kia mātau hoki raua.
Inoi kia whakaruatua ngā manākitanga ki runga i ngā hāhi Whītī katoa, ā, kia tukuna mai ngā kaiwhakatū hāhi Whītī hou.



“Ko te whakahoki i ahau ki raro, matau tonu i ahau; ko te whai rawa, matau tonu i ahau: i nga wahi katoa, i nga mea katoa, ka oti ahau te whakaako, kia makona, a kia mate i te kai, kia whai rawa, a kia rawakore ranei. Ka taea e ahau nga mea katoa i roto i a te Karaiti e whakakaha nei i ahau.” Piripai 4:12–13


Ngā Kaupapa Inoi

- E te Matua i te Rangi, ka whakatuwhera ō mātou ngākau kia whiwhi tonu ai mātou ki ngā mea kua whakatakotoria ki roto i te tirohanga o MM33. Ka whakawhetai mātou ki a koe mō te kotahitanga me te whakaae tahi o ngā reo o ngā hāhi Te Huihuinga o te Atua nō ngā whenua katoa o te ao.
- Ka whakawhetai mātou ki a koe nā te mea i tēnei wā ko mātou ou ringaringa, me ou waewae. He wā pai mā mātou me te Wairua Tapu kia mahi tahi ki te whakanui i tō mātou kaahui puta noa i te ao, puta noa i ngā tāone, ngā hāpori, ngā kāinga, me ngā iwi puta noa i te ao.
- Kia whakakorōriatia te ripeka o te Karaiti ki tō mātou kaahui hāhi. Kia waipuketia te puna o tou aroha ki ia hāpori, ki ia wāhi noho. Kia tipu haere tonu mātou i te mōhio me te māmamatanga wairua. Mā roto i te oneone o tō mātou ngākau whakaiti ka whakatipu ai tā mātou mōhiotanga ki ngā mea e manawanui ana ki a koe. Kia noho pono, kia mā, kia harakore tae noa ki te rā ka hoki mai ai te Karaiti.
- E te Wairua Tapu, te Wairua o te mīhana, te Wairua o te mana, ka whakawhetai mātou mō te whakapūmau o tō aroaro i ngā wāhi katoa. Homai tō kaha, kia māia taku kauhau i a Ihu Karaiti, me taku mahi i ngā tohu e whakaatu ana i te rangatiratanga o te Atua.
- Pou whāinga ā-rohe/ā-motu/ki te ao:
Inoi atu ki a ia kia tukuna e ia āna manaakitanga, kia toro mai te Wairua Tapu ki ngā rangatahi me ngā taitamariki katoa kei roto i tō mātou kaahui—ā-motu.
Inoi atu ki a ia kia maranga ake te Whakatipuranga Mātātoa. He ope rangatahi kua tahuna ki te ahi o te mana o te Wairua Tapu, me te aroha ki a Ihu, kāore e hoki whakamuri i mua i ngā tipua nunui.
Inoi mo Pāhita Jamie rāua ko Rebekah Chapman kia tau mai ngā manaakitanga katoa ki runga i a rāua i a rāua e ārahi ana i te kaupapa Mātātoa.
Inoi atu ki a ia kia korowaitia ō mātou kaiārahi iwi Kuki Airani, ā, te Kaiwhakahaere Hui—ā-motu, Pāhita Ani rāua ko Reea Tangimataiti ki ngā manaakitanga, kia māia, kia rawaka, kia mātau hoki raua.
Inoi kia whakaruaruatia ngā manākitanga ki runga i ngā hāhi Kuki Airani katoa, ā, kia tukuna mai ngā kaiwhakatū hāhi Kuki Airani hou.

“Ka hari te tangata kahore nei e haere i te whakaaro o te tangata kino, a kahore e tu i te ara o te hunga hara, kahore ano e noho i te nohoanga o te hunga whakahi. Engari ko te ture a Ihowa tana e whakaahuareka ai; kei tona ture ona whakaaro i te ao, i te po. E rite hoki ia ki te rakau i whakatokia ki te taha o nga awa wai, e whai hua nei i te po e hua ai: e kore tona rau e memenga; a ka pono ana mea katoa e mea ai ia.” Waiata 1:1–3

Ngā Kaupapa Inoi

- E te Ariki, e Ihu Karaiti, ka inoi mātou kia tō mai ai te kaahui-ā-motu o Te Huihuinga o te Atua o Aotearoa i te kaha i roto i tō kupu, i te ao, i te pō.
- E inoi atu nei kia mākere mai ngā hau o te mīhana puta noa i ō mātou hāhi. Kia mōhio ai mātou ko wai tātou — he tama, he tamāhine wairua kua whānau mai ki te ao hurihuri nei.
- E tō mātou Atua, ko tā mātou tumanako ki te ao, kia puta ai ngā hua i roto i ngā mahi pai katoa, ā, kia tupu tahi ai mātou i tō mātou mōhio ki a koe, te Atua o te mīhana.
Whakakahangia mai mātou kia rite ki tō mana korōria. Kia manawanui mai, kia ū, ka tuku whakamoemiti ki a koe i runga i te hari.
Ka hari mātou nā te mea he kaimahi mātou mo te kotinga, ā, kua whai wāhi matou ki ngā taonga tuku iho o te hunga tapu i roto i te rangatiratanga o te māramatanga (Korohe 1).
- Pou whāinga ā-rohe/ā-motu/ki te ao:
Inoi mo tō mātou Kaiwhakahaere mō ngā Kaitiaki Wairua, Pāhita Peter Tate, i a ia e whakakaha ana i te mahi a ngā Kaitiaki Wairua i ngā wāhi mahi.
Inoi atu ki te Atua o te kotinga, kia whakaoho i ngā tāngata katoa o tō mātou kaahui-ā-motu kia kite i ngā wāhi mahi hei whenua mīhana.
Inoi kia kōrerotia te ingoa o Ihu me te aroha noa ki roto i ngā rūma whakatā me ngā wāhi hui i ngā wāhi mahi puta noa i Aotearoa.
Inoi atu ki a ia kia korowaitia ō mātou mema o te Rōpū Whakahaere, Pāhita Mike rāua ko Michelle Coe ki ngā manaakitanga, kia māia, kia rawaka, kia mātau hoki raua.
Homai te aroha noa me te mana kia whakaarahia, kia tukuna atu ngā kaiwhakatū hāhi me ngā kaihautū hou ki ngā whenua hou.
Inoi mō te kaiārahi iwi Koreana, Pāhita Ho Min Kim, kia tau ngā manaakitanga, te māia, te rawaka, me te mātauranga ki runga i a ia.
Inoi kia whakaruaruatia ngā manākitanga ki runga i ngā hāhi Koreana katoa, ā, kia tukuna mai ngā kaiwhakatū hāhi Koreana hou.



“E toru aku inoinga ki te Atua mo tenei mea kia neke atu i ahau. A kua mea mai ia ki ahau, E ranea ana toku atawhai hei mea mou: mana tonu hoki toku kaha i runga i te ngoikore. Na pai rawa atu ki ahau te whakamanamana ki oku ngoikore, kia ai ai te kaha o te Karaiti hei taupoki moku. Mo reira ahua eka tonu ahau ki nga ngoikoretanga, ki nga tukinotanga, kinga aitua, ki nga whakatoinga, ki nga rarunga, mo te Karaiti; i ahau hoki e ngoikore ana ko reira ahau kaha ai.”

2 Koriniti 12:8–10

Ngā Kaupapa Inoi

- E te Ariki, e Īhu Karaiti, ka hinga ahau ki ōku turi, ka whakawhetai atu ki a koe mō tō kite mai i ahau i roto i tōku ngoikoretanga, ā, mō tō kī mai: “Haere mai, aru mai i ahau, ā, māku koe e hanga hei tangata hī ika mō te tangata.” E te Matua i te Rangi, whakaarahia mai he wairua inoi wawao me te aroha hōhonu ki roto i tō mātou kaahui-ā-motu. Kia kua rawa mātou e mutu te inoi mō te tangata, i roto i ngā āhuatanga katoa, ahakoa ngā uauatanga, me tū.
- Kia kaha tonu mātou ki te whakakaha tētahi ki tētahi mā te whakapaa i ngā ringa, mā te inoi kia whakakāia tātou ki te mōhiotanga ki tāna i pai ai, i runga i ngā whakaaro nui katoa, i te mahara wairua anō hoki” (Korohe 1:9).
- E te Matua, murua ō mātou ngoikoretanga i roto i te inoi me te whakawhirinaki ki a mātou anō. Whakaaturia mai anō me pēhea te tātari ki mua i a koe, te Matua, nāna nei te ingoa o ngā whānau katoa i te rangi me te whenua.
- Homai tou aroha noa ki tō mātou kaahui-ā-motu kia inoi ai mātou, tētahi ki tētahi. Kia inoi tonu ai mātou: “Kia homai e ia, kia rite ki te nui o tōna korōria, te kaha mā tōna Wairua ki roto i te tangata o roto, kia noho ai a te Karaiti ki roto i ō koutou ngākau mā te whakapono.” (Ēpeha 3)
- Ka inoi atu mātou ki a koe kia ū Te Huihuinga o te Atua o Aotearoa ki roto i te aroha o te Atua, kia kotahi ai ou pononga katoa puta noa i te ao ki te marama ki te whānui, te roa, te teitei, me te hōhonu o te aroha o te Karaiti. Kia mōhio ai mātou ki tēnei aroha e nui kē atu ana i te māramatanga o te tangata, kia kī katoa ai mātou ki te katoa o te Atua. (Ēpeha 3:18)
- Pou whāinga ā-rohe/ā-motu/ki te ao:
Inoi mō tō mātou Hekeretari ā-Motu, ā, mō te tangata whakahaere i MM33, Pāhita Darren rāua ko Sharon Gammie, kia tau ngā manaakitanga, te māia, te rawaka, me te mātauranga ki runga i a rāua. Tuku i te reo whakawhetai atu ki te Atua mo Pāhita Darren me ngā kaimahi katoa o te Tari ā-Motu: Ani, Sarah, Edwina, me Angela. Tuku inoi atu ki te Atua kia homai te aroha noa, te mātauranga, me te kaha i a rātou e tuara ana ngā mahi ki te tautoko i a mātou, i roto hoki i ngā mahi kawē kōrero ki te motu whānui.

“Na, i te mutunga o tana korero ki a ratou, ka tangohia atu te Ariki a Ihu ki te rangi, a noho ana ki te ringa matau o te Atua. Na haere ana ratou, kauwhau ana i nga wahi katoa, me te mahi tahi ano te Ariki me ratou, me te whakau i te kupu ki nga tohu e whai ana i muri.”

Maka 16:19–20

Ngā Kaupapa Inoi

- E te Ariki, e Ihu Karaiti, ka hikina te mānuka kua tukuna mai e koe ki a mātou. Ka hari mātou i a koe e whakarite ana i tētahi wāhi mō mātou, ā, kei te inoi tonu koe mō mātou. Ka tangi atu mātou: “Haere mai!” i a mātou e mau ana i te tumanako, e tatari ana ki tō hokinga mai, kia tae mai hoki tō rangatiratanga kāore e taea te whakahē. Whakakaha i a mātou mō ngā mahi i whakaritea mō mātou i mua rawa atu i te orokohanga o te ao.
- Anō hoki, ka whakapuaki mātou: “Ka whakaruaruatia te whakaaweawe o te Te Huihuinga o te Atua o Aotearoa ki Aotearoa i mua i te tau 2033, ā, ka noho tō mātou kaahui-ā-motu hei puna manaakitanga mō ngā kaahui kē atu i Aotearoa hoki.”
- Pou whāinga ā-rohe/ā-motu/ki te ao:
Inoi mō te whakaoranga hou, kia whānau hou ai te tangata i roto i te wairua ki Aotearoa, he mahi wairua o te Atua kāore anō kia kitea i te whenua nei.
Kia tū rangatira ai te hāhi o Aotearoa ki ngā mahi kua whakatakoto e Ihu ki mua i a mātou:
Arā, kia whakatipu akonga wairua, e hīkaka nei ki te haere ki o rātou hāpori me ngā iwi katoa o te ao.
Inoi mō tō mātou Kaiwhakahaere i ngā mahi Mīhana ki te Ao, a Pāhita Paul White, kia tau ngā manaakitanga, te māia, te rawaka, me te mātauranga ki runga i a ia.





“Na, ki te mea kaha ki te tiaki i a koutou kei hinga, ki te whakatu hoki i a koutou ki te aroaro o tona kororia, he mea kohakore i runga i te hari whakaharahara, Ki a ia, ko ia anake nei te Atua, ki to tatou Kaiwhakaora, i roto i a ihu Karaiti, i to tatou Ariki, waiho atu i a ia te kororia, te nui, te kaha, te mana, i mua atu o nga wa katoa, aianeī, a ake ake. Amine.”
Hura 1:24-25

Feedback - Suddenly God

Because of Prayer, God is moving in SUDDENLIES! Share your 'Suddenly God answers' with us to Encourage, Build and Strengthen our Movement and each other. Thank you for praying together with us for 21 Days. Email us at agnznationalprayer@gmail.com

Seedtime and Harvest

*Our goal is to raise up an eco-system of 24/7 prayer throughout the movement in New Zealand and Oceania. Every mission has costs attached. We are careful stewards and invite you to sew into the work that God is leading us to facilitate and say YES to. Thank you
Account details: Assemblies of God NZ Inc. 03-0196-0120003-001*

Website

Website:- To learn more, find resources and get translations of this Guide in other languages, go to www.agnz.org/prayer-initiative